



## PRIJEDLOG

Na osnovu člana 18. stav 1. tačka 1. 1) Ustava Kantona Sarajevo („Službene novine Kantona Sarajevo“ br. Br 1/96, 2/96, 3/96, 16/97, 14/00, 4/01 i 28/04) i člana 111 i člana 112. stav 1. Poslovnika Skupštine Kantona Sarajevo („Službene novine Kantona Sarajevo“ – Novi prečišćeni tekst br: 25/10, 14/11, 19/11 i 7/12), Skupština Kantona Sarajevo na sjednici održanoj dana 2012.godine, donijela je:

### **ODLUKU O IZMJENAMA I DOPUNAMA POSLOVNIKA SKUPŠTINE KANTONA SARAJEVO**

#### Član 1.

U Poslovniku Skupštine Kantona Sarajevo („Službene novine Kantona Sarajevo – Novi prečišćeni tekst, br: 25/10, 14/11, 19/11 i 7/12“), iza člana 53. dodaje se podnaslov „ Vijeće nacionalnih manjina Kantona Sarajevo“ i čl. 53.a 53b. 53 c i 53d koji glase:

#### „Član 53. a

Vijeće nacionalnih manjina Kantona Sarajevo ( u daljem tekstu : Vijeće ) je stalno savjetodavno tijelo Skupštine Kantona Sarajevo.

Vijeće sačinjavaju po jedan predstavnik-delegat udruženja nacionalne manjine koja ima registrovano sjedište na području Kantona ,a imenuje ih Skupština , u skladu sa kantonalnim zakonom kojim se reguliše zaštita prava pripadnika nacionalnih manjina u Kantonu.

#### Član 53. b

Vijeće pokreće inicijative i podnosi nacrte zakona, odluka i drugih akata iz nadležnosti Skupštine Kantona, prati stanje i primjenu propisa, zauzima stavove daje prijedloge i preporuke organima vlasti u Kantonu, po svim pitanjima koja su od značaja za položaj i ostvarivanje prava pripadnika nacionalnih manjina u Kantonu, u skladu sa zakonom kojim se reguliše zaštita prava pripadnika nacionalnih manjina u Kantonu.

#### Član 53. c

Vijeće, iz svojih redova, delegira po jedenog starnog predstavnika u Komisiju za pravdu, ljudska prava i građanske slobode i Komisiju za ustavna pitanja Skupštine Kantona i može povremeno delegirati po jednog predstavnika koji će učestvovati u radu drugih komisija i radnih tijela Skupštine Kantona, kada se raspravlja o stanju ljudskih prava u Kantonu, uključujući i prava pripadnika nacionalnih manjina, te kada se razmatraju predstavke i žalbe pripadnika nacionalnih manjina i druga pitanja od značaja za ostvarivanje prava i obaveza pripadnika nacionalnih manjina.



### Član 53. d

Organizacija, način rada i druga pitanja od značaja za rad Vijeća uređuje se poslovnikom o radu Vijeća, koji donosi vijeće uz saglasnost Skupštine.

Finansiranje rada Vijeća i pružanje stručne i administrativno-tehničke podrške Vijeću vrši se u skladu sa zakonom kojim se reguliše zaštita prava pripadnika nacionalnih manjina u Kantonu.“

### Član 2.

Ove izmjene i dopune Poslovnika stupaju na snagu danom donošenja, a objaviće se u „Službenim novinama Kantona Sarajevo“.

Broj  
Sarajevo

PREDSJEDAVAJUĆA  
SKUPŠTINE KANTONA SARAJEVO  
Prof. dr Mirjana Malić

### O B R A Z L O Ž E N J E

Odredbom člana 38. stav 3. Zakona o zaštiti prava pripadnika nacionalnih manjina u Kantonu Sarajevo („Službene novine Kantona Sarajevo,“ broj: 27/11) utvrđena je obaveza usklađivanje Poslovnika o radu Skupštine Kantona sa odredbama ovog zakona .

Na osnovu ove odredbe izvršena su usklađivanja te je sačinjena Odluka o izmjenama i dopunama Poslovnika Skupštine Kantona Sarajevo koja se dostavlja u skupštinsku proceduru.



web: <http://skupstina.ks.gov.ba>

e-mail: [skc@ks.gov.ba](mailto:skc@ks.gov.ba)

Tel: + 387 (0) 33 562-055, Fax: + 387 (0) 33 562-210  
Sarajevo, Reisa Džemaludina Čauševića 1

